

ABRAHAM SACRIFIANT

[420] Voila, ie ne me puis tenir,
Isaac, que ie ne vous baise.

Isaac.

Ma mere, qu'il ne vous desplaise,
Ie vous veux faire vne requeste.

Sara.

[425] Dites, mon amy, ie suis preste
A l'aceorder.

Isaac.

Ie vous supplye
D'oster ceste melancholie.
Mais, s'il vous plaist, ne plourez point,
Ie reuiendray en meilleur poinet :
Ie vous pri' de ne vous facher.

Abraham.

[430] Enfans, il vous faudra marcher
Pour le moins six bonnes iournées :
Voila vos charges ordonnées,
Et tout ce qui fait de besoin.

Troupe.

[435] Sire, laissez-nous en le soin,
Tant seulement commandez-nous.

Abraham.

[440] Or sus, Dieu soit avecques vous :
Ce grand Dieu qui par sa bonté
Iusques icy nous a esté
Tant propice & tant secourable,
Soit à vous & moy fauorable.
Quoy qu'il y ait, monstrez-vous sage :
L'espere que nostre voyage
Heureusement se parfera.

Sara.

[445] Las, ie ne say quand ce sera
Que reuoir ie vous pourray tous.
Le Seigneur soit avecques vous.

Isaac.

Adieu ma mere.